

# RUBINAH BERNADINA DI COLEGIO REINA DI CARNAVAL 1995

ORANJESTAD(AAN): Pa exactamente 12 or awe madruga, Aruba a conoce su reina di carnaval 1995, den persona di Rubinah Bernadina, representante di Colegio Arubano. Cu e eleccion aki Colegio a mantene e corona gana aña-pasa pa Mayren Helmeyer. Prome finalista a resulta Iselle Dañe di Santa Cruz, di dos finalista Ritsma Croes di Piedra Plat, di tres finalista Anouschka Falconi, y despues cu a paga luznan a bin resulta cu tabata tin

tambe un di cuatro finalista cu tabata Aydine Williams di Mariniers Kazerne. E jurado a entrega formulario cu 4 number na lugar di cinco y despues a bin resulta cu tabata tin un finalista mas. E anochi no a termina sin su problemanan y tabata tin hendenan cu no a keda contento cu e resultado, te cu den bringamento tabata tin varios persona cu a keda herida. Tabata un anochi durante cual por a nota e emocionnan subiando mas y

mas durante presentacionnan y principalmente na final ora cu e resultado tabata conoci. E candidata di Santa Cruz, Iselle Dañe a gana premio di Mihor Show, y tambe premio di mihor disfraz. E shownan presenta pa e candidatanan tabata formidable ayera anochi y e publico a goza di cada un di e presentacionnan.

Despues di eleccion, e fiesta a sigui na Colegio Arubano cu a habri su portanan special pa e celebracion grandi aki.

